



10. novembari 2015

UKA2015/150, 151, 152, 157, 158, 159

Inatsisartut aalajangiiffigisassaattut siunnersuut Namminersorlutik Oqartussat akuersissutigissagaat Nunarsuarmioqatigiit ataatsimoorussamik isumaqatigiissutaat radioaktiviusut ikummatikut aamma radioaktiviusut eqqagassat isumannaatsumik isumagineqartarnissaat pillugit. (Eqqagassalerinermut isumaqatigiissut) (UKA2015/150), aamma

Atomip nukinganik pissuteqartumik ajutoortoqartillugu imaluunniit qinngorernik ulorianartunik pissuteqartumik ajornartorsiertoqalersillugu ikiuunnissaq pillugu IAEA-imi nunani tamalaani isumaqatigiissummut Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut. (Ikiuunnissamut nunani tamalaani isumaqatigiissut) (UKA2015/151), aamma

Inatsisartut aalajangiiffigisassaattut siunnersuut, Namminersorlutik Oqartussat akuersissutigissagaat Atom-ip nukinganik sakkoqarluni pinerliiniartoqartarneranut akiunermut Nunarsuarmioqatigiit isumaqatigiissutaat. (UKA215/152), aamma

Inatsisartut aalajangiiffigisassaattut siunnersuut, Namminersorlutik Oqartussat akuersissutigissagaat International Labour Organization - ILO -p isumaqatigiissutaa nr. 115, sulisartut qinngorernut ingerlaartunut (ioniserende) illersorneqarnissaat pillugu isumaqatigiissutaa-saq akuersissutigineqassasoq. (UKA2015/157), aamma

Atomip nukinganit atortussianik inissismaffiini isumannaarinissaq pillugu IAEA-ip nunani tamalaani isumaqatigiissutaanut allannguummut Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut. (UKA2015/158), aamma

Atomip nukinganut isumannaallisaaneq pillugu IAEA-imi nunani tamalaani isumaqatigiissummut Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut.

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Inatsisitigut sinaakkusersuineq maleruagassiornerlu maani suliatta pingaanersaata ilagaat.

Susassaqarfait iserfiginnginnerani, Siumumiit una oqaatigerusupparput. Siumut pinngoqqaarmalli tunaartaq, pingartitarlu:

Inuaqatigiit nunamik tunniussinnaasai akisussaassuseqartumik atorluarlugit avataaniillu pisariaqartitatik iluaqtigalugit imminnut napatissinnaalerlutilu aquassinnaalersimasut.

Inuussutissarsiuutit nutaat pisariaqartilluinnarigut Siumumiit nalunngilarput, taamaammat nuan-naarutigaarput aatsitassarsiorfiit nutaat aallartissinnaammata, uani pineqarput Qeqertarsuatsiaat kujataani rubinisiorfissaq, aammalu Kangerlussuup eqqaani aatsitassarsiorniat akuersissumvik tunineqartut kiisalu tunup avannaarsuani zinkisiorniat qinnuteqarmata.

Ukiuni makkunani aatsitassat akii appariangaallussimapput, tamanna unamminaraluartoq, taamaattoq aallartittoqarnera qinnuteqaatillu takkussuunneri nunatsinnut inuinullu iluaqtaanissaat kissaa-tiginarput neriuuteqarfiullutillu.

Aammattaarlu aatsitassat uranimik akullit, sapinngisaq tamaat naapertorlugu isumannaatsumik ingerlanneqarsinnaanissaat, piffissaq qaninnerusoq ungasinnerusorlu isigalugit, aqqutissiuunne-qarmat, taamaasilluni nunatta sananeqaataa naapertorlugu aatsitassat piusut atorluarsinnaanias-sammata.

Nunatta pisariaqartittiffiata nalaaniinnittinni, isumanaatsumik ingerlanneqarsinnaasut ammafigisa-riaqarigut Siumut isumaqarpoq.

Tamannalumi nammineq isinik takuniarlugu, paasisassarsiorfiginiarlugulu ukiuni kingullerni arla-qartuni, qinikkat assigiinngitsunut nunat tamalaat akornani angalapput.

Ilaatigut apeqqummi.

Ilaatigut imaattumik aperisoqarluni:

Issuaaneq aallartippoq:

“Sumiiffinni uranisiorfinnik ingerlatsiviusuni puakkut kræfteqalersarnerup annertuneruneranik paasisaqartoqarsimava?

(Akissutaa) Sumiiffinni kræfteqalersarnerup annertuneruneranik paasisaqartoqarsimangilaq aam-malu aatsitassarsiorfinni sulisunut qinngornernik ulorianartorsiortitsinissaq suliaqarfinnut allanut arlalinnut, soorlu peqqissaasunut qinnguartaasartunut aamma assersuutigalugu timmisartortar-tunut, naleqqiullugu annikinneruvoq”, issuaaneq naavoq¹.

Ullutsinni suleriaatsit, periutsillu naapertorluginit isumannaatsumik ingerlanneqarsinnaasut nalunngilarput.

¹ Qupperneq 30:

<http://naalakkersuisut.gl/~media/Nanoq/Files/Publications/Raastof/GL/RejserapportCanadasep201042TKRGRL221210.pdf>

Tamannalumi ilaatigut anguniarlugu, nunat tamalaat akornanni isumaqatigiissutit arlaqartut piumasaqaataasut, assersuutigalugu Danmarkimi atuuttut, aatsitassarsiorfiunngikkaluarluni imaluunniit atomip nukiganik innaallagissiorfeqanngikkaluarluni, kisiannili nunat tamalaat akornanni suleqataalluni taamatut inississimasoq.

Nunarput tassani akuutinneqanngitsoq paasineqarpoq, taamaammammallu maleruagassat isumaqatigiissutillu arlaqartut ilaatigut nunatsinnut toqqaannartumik attuumassuteqanngikkaluartut, aamma aatsitassarsiortoqalerluarpat uranitalinnik, nunarput nunat tamalaat akornanni suleqataalluni inissittariaqarmat maanna Siumumiit iluarisimaarpalput Naalakkersuisut inatsisartunut aaliangiiffigisassatut siunnersuutit ullumikkut saqqummiuummatigit. Sinaakkutit pitsasut pisari-aqarmata, susassaqartut sulinerminni nalorniffii annikinnerpaajuniassammata.

Tassami assersuutigalugu timmisartorneq sinaakkuteqarput inatsisinik, soorlu sila qanoq ikkaagat timmisartoqquaajunnaarneq, timmisartortartut qanoq akuliksigidumik sungiusaqqittasanersut il.il. Amerlasuujulluta tatigivarput timmisartumi aquttoq nalunngikkaa sulerinerluni, timmisartoq qanoq mittissanerlugu, kisianni aamma nalunngilarput timmisartoq ajoraluwartumik ilaannikkut ajutoortarpoq, taamaattoq timmisartortarpugut. Qununerummi aqussappatigut, ajutoortoqartarmat, taava qaqagu timmisartussaagut?

Imaluunniit assersuutigut peqqinnissaqarfeqarneq pillugu maleruagassaqarpoq, nakorsap pilattaa-nialernermermi sulerinini nalunngikkaa tatigisarparput, kisianni aamma ajoraluwartumik ajutoortoqartarpoq, taamaakkaluartoq nakorsiartarpugut. Qununerummi aqussappatigut, qaqagu taava nakorsiassuugut?

Taamatuttaaq ullumikkut aatsitassanik uranitalinnik nunarput avammut nioqquteqalissappat innaallagissiorfinnut, sinaakkusiilerpugut.

Suliniutut isumannaatsumik ingerlassinnaasut, Siumumiit politikkeraarput inuiaqatigiit nunamik tunniussinnaasai akisussaassuseqartumik atorluarlugit avataaniillu pisariaqartitatik iluaqutigalugit imminnut napatissinnaalersimasut.

Naggataatigut Siumumiit oqaatigissuarput ukiuni makkunani nunatta sananeqaataa naapertorlugu pisuussut tunniussinnaasut, ilaqtariinnut iluaqutaanissaa pisariaqarluinnarmat.

Nunattami pisuussutai, isumannaatsumik ingerlassinnaappata, mattussuinissaq pisussaaffigaarpuit?

Sulisartukkormiut ilungersorput, pisiassat akitsonaluttuinnartut, inissiat ullutsinnut tulluukkunnaar-nikut, aningaaarsiat malinnaanngitsut.

Pisussaaffiginninnerparput nunatta pisuussutaasa atorluarneqarnissaat aqqutissiuutissalugu? Siumup pisussaaffittut isigaa nunatta tunniussinnaasi pitsaasumik atorluarneqassasut, ilaqtariip-passuarnut iluaqtaaqqullugit.

Taamaammallu Siumumiit ullumikkut sinaakkutit siunnersuutit pineqartut taperserpagut, aappasaaniinnginneranilu aatsitassanut ataatsimiititaliamut innersuullutigit.

Qujanaq

Jens-Erik Kirkegaard

Siumut.